

4



寧澹齋全集卷之四目錄

五言律詩

登招寶山

寄懷孫稚繩年丈二首兼以志感

春朝漫興

袁繩武謁選北土因懷文榮公

憑虛閣三首

秋日趨朝時 賜熊經畧尚方劔及白金

文綺予以捧 勅紀事



送嚴爾施內弟南還壽母

香山次韵

夏日宴王駙馬園亭

送詹思理年丈之任遂安

郵舍

淳安早發

抵新安過竹嶺關望三天子都

新霽登華頂偶見三鹿逸出

謁玄帝殿

題雲巖

躋齊雲絕頂

弘濟寺

將下雲巖

別業

夏日同姚汝行小讌

秋宵即事

守歲

遊蕺山寺呂氏小淇園三首次楊修齡侍

御韻

送姚子雲赴省試

秋夜有懷

清道觀仝王劉二生少選

邢內翰母八十

送姚去文南還

恭謝 晉藩二首用來韻

冊封還宿鳴謙驛

小憇香山寺

東光道上仝莊仲肩年丈談及邊事

嘉禾道中

西湖夜泛二首

武林苦雨

渡錢塘

清興

寄永嘉令陸仲謀年丈二首

連山驛即事將爲天台之行時辛亥春日

也

過竹溪

宿國清

望桃源

馬家山

陸石屏畫隱

立春日道中

新秋試草

秋望二首

送姚椽之任泲橋

水雲樓望月

詠史

送李輔之兄弟北上

贈奉邑大令

飲署中即事

送蘆海上人還越

寧澹齋全集卷之四目錄 終

寧澹齋全集卷之四

句章楊守勤克之甫著

同社姚孟燿汝行甫校

五言律詩

登招寶山

梵宇臨滄嶼朝暎映海潮蛟門紛蜃氣蓬島出
霞標浪湧千巖白帆輕一葉飄縱觀殊浩渺吾
意欲凌霄

寄懷孫稚繩年丈二首兼以志感

避形防射影暢飲爲澆愁阿世原非好匡時未
有籌西山驚薄暮遠道隔深秋寄語雲霄客年
來已倦遊

世路紛難定憂深髻獨星迂人虞拭唾多病慙
長醒愛讀無心傳閒書道德經臨流堪把釣應
不羨侯鯖

春朝漫興

山色向春榮花開錦作城烏含青入障蜂採綠
還營客帽頻簪翠妹裙競染蘅何當吟興發把

酒和倉庚

袁繩武謁選北上因懷文榮公

鼎石餘風在華簪喜屬君揚鞭歸鳳闕落筆動
燕雲推轂多元老論交有俊羣好緝宣室事惆
悵續遺文

憑虛閣三首

傑閣俯層陰登臨物外心荒烟迷遠塞高樹市
深林鐘鼓迎風出鶯花逐影侵閒情寄山水誰
復問朝簪

玄宮木末迴樓閣望中開鳥革驚千仞雲梯接
五臺塵空沙漠外人似日邊來壯志冲霄漢留
連未肯回

殘虹明遠浦片雨洗平疇戶敞埜雲度堦空瀑
水流舞因花影亂曲和鳥聲悠日暮渾忘返高
眠傍斗牛

秋日趨朝時 賜熊經畧尚方劔及白金

文綺予以捧 勅紀事

大武當秋序趨朝及曉籌飛書驚絕幕命將厯

宸旒劔賜行樞重金頒內府優敢虛扶轂意指
日減東窗

送嚴爾施內弟南還壽母

送子出通津涼颺乍捲塵正宜東去客偏惜北
留人入境村醅熟歸家舞彩新相期重握手韶
令及三春

香山次韻

尋山至山寺得意却忘山巖樹坐來靜僻蘿春
自閒樓臺星斗上鐘磬翠微間頓覺塵寰遠清

溪踏月還

夏日宴王駙馬園亭

聯騎尋芳徑誰家醉碧筒屏開都尉府門接帝
王宮繁吹喧庭鳥高歌過澗松閒亭幽意足坐
月喜當空

送詹思理年丈之任遂安

綰綬向專城秋風曉露行蘆花飛祖席柳色傷
品程蹟弔嚴陵古竒探天目清武疆山最峻應
與治齊名

邨舍

邨舍無竒玩開門剩有山烟霞時聚散糜鹿任
遊閒藤杖溪邊出樵歌日暮還乾坤方浩蕩人
世樂仙闈

淳安蚤發

溪梅凌晨放膠朧月漸明風濤卷於慈林樹遶
涯平遠寺鐘初寂荒村鷄乍鳴何因勞跋涉懣
愧此身輕

抵新安過竹嶺關望三天子都

荀學遺傳嶺天際見雄關擬挾三都賦還更萬
疊山地分吳越界人寄水雲間處處尋仙
原似可攀

新霽登華頂偶見三鹿遺出

百折登華頂秋空正午晴萬山皆碧樓一柱獨
孤撐虛自峰頭下雲從巖底生躑躅身一凝眺
尺是瑤京

謁玄帝殿

寶殿通玄極峩峩貫斗牛靈龍甲動霧擁門

浮法雨飛神劍靄光護帝丘呼嵩臣子意爲
祝萬千秋

題雲巖

萬疊雲巖勝雲飛巖欲飛空花隨雨散鳴鳥避
寒稀峭壁捫蘿上芒鞋踏翠歸浮生祇鹿鹿誰
啓白雲扉

躋齊雲絕頂

幽探窮絕巖秋色正霏微步曳星辰履身披雲
霧衣搏風疑象舞驂月見鸞飛便欲騎鯨去表

從白帝畿

弘濟寺

乍劈雲房出旋扶海市懸濤聲千厓寺石罅曲
藏天一水明寒日千峰澹夕烟如聞超曠劫曾
否問桑田

將下雲巖

奇岩誰削就截業費躋攀境接蓬壺迴人隨鶴
鹿還倚天飛劍氣下榻臥雲關何日辭塵鞅從
茲學駐顏

別業

白社棲遲久青門不復遊雨餘看鳥過日暮見
雲流剪韭迎來客烹茶訪比丘幽情誰可語溪
畔有羊求

夏日全姚汝行小燕

春光不覺度維夏忽相催麗日浮新竹融風襲
細葍傳杯涼閣快分韻雅歌來薄暮餘清賞遲
歸興未回

秋宵即事

涼飈亂槐影皓月映青蕖醉舞起栖鳥豪吟出
游魚登臺近星漢橫笛飄華裾身世在何所翩
翩凌太虛

守歲

旅邸逢除歲杯殘興轉悠拚將一夕醉送却百
年愁爆竹寒銷焰燈花笑吐毬明朝有嵩祝喜
得獻螭頭

遊叢山寺呂氏小淇園三首次楊修齡侍

御韻

名園無異植入眼盡瓊玕地煖生孫茂林深送
響寒石欄題翰藻苔徑積文癡使者停飛蓋檀
藥不厭看

文安崇秩祀拓宇秀峯前入廟思鴻烈承家有
象賢門留槐栢古沼泛荇蘋鮮瞻對情無限譚
餘坐屢遷

層臺凌越嶠萬頃映郊園竹底笙歌奏空中鷄
犬喧天風飄月樹雲影度仙旛恍坐瓊樓下相
邀倒玉尊

送姚子雲赴省試

蘭鷓錢塘遠檣烏帶月衝吳山
遡立馬雲物正從龍蓉鏡瓊霄
下銀盤桂影重前程從此發行
矣快遭逢

秋夜有懷

夜色深秋迴繁星動九天槐陰
泫踈露鷗影亂前川旅服驚砧
斷寒衾帶月眠最憐邊塞客萬
里久孤鶩

清道觀仝王劉二生少選

春郊乘曉麗玉殿泛霞觴霧捲
晴嵐盡花翻暖色香塵談傾逸
少道奧闡劉商滿座清歌發行
歸趁夕陽

邢內翰母八十

鳳闕傳綸日萱庭設悅時和熊
先世業舞綵百年期入饌江魚
美流芳庭樹滋願言綬後祿袍
笏疊孫枝

送姚去文南還

秋色那堪別懷君故國心長途
驚落葉止宿柏

聞砧匣劍光侵斗囊詩韵擲金重來飛蹀躞寧
許滯家林

恭謝 晉藩二首用來韵

秋爽開藩邸磐宗意氣豪傾葵朝玉節拜扁繡
麟袍道接河汾近名逾梁苑高金閨陪燕席醉
德過醇醪

天潢崇大雅折節禮儒流設醴因交穆雕龍欲
掩劉和顏非飾貌忠計總藩周宸眷方深渥褒
恩下藪旒

册封還宿鳴謙驛

兩度鳴謙驛停驂倦解衣地高霜氣早雲暗夜
光微鼓角催行急鄉關入夢稀喜將王事畢矯
首望朝曦

小憇香山寺

修程動百里徃徃餉僧居法鼓迎官急禪房爲
客虛桃花成井落雲水接郊墟不覺泥塗澀看
山興有餘

東光道上同莊仲肩年丈談及邊事

長途多寂寞一夕遇同心對此清尊飲賡來白
雪吟憂時懷杞慮報國矢葵忱廟算應全勝相
期聽捷音

嘉禾道中

蘭漿春朝發逶迤驛路賒風來澤國好景入秀
州嘉酒綠涵山影船香度菜花夜深乘月去疑
是泛星槎

西湖夜泛二首

畫舫開偏晚看山數舉盃輕波鷗細逐遠浦雁
初迴鼓枻移颿迅漁歌應拍摧不堪愁思切回
首憶南陔
援琴兼載酒與客泛湖中搖蕩波心月輕揚鏡
面風荷筒多出水鳥影自翻空露下忘衣溼豪
吟氣吐虹

武林苦雨

旅館孤燈夜何當積雨深鐘聲寂遠寺鳥語斷
疎林密洒桃含醉濃拖柳暗金明朝儻開霽曳
杖看湖陰

渡錢塘

曉發錢塘渡寒潮勢未平江豚迎楫舞沙鳥背
人鳴倏忽陰情變蒼茫烟霧橫怪來風浪惡偏
向浙中生

清興

遠樹千村合疎陰一派流亭涵秋水碧徑轉遠
林幽疑有高人隱應無俗轍留飛塵不到處清
興自悠悠

寄永嘉令陸仲謀年丈二首

我愛東甌令官閒晝尚眠華岩時檢石西射日
鳴絃瑞有生芝室庶無對菊錢仁風何以洽耕
耨在情田

大化無言溥精心自作人菁莪時布雨丘壑遍
生春竹箭東南盡鵷鷺次第新九重嘉績最青
瑣遲賢臣

連山驛即事將爲天台之行時辛亥春日
也

迢遞上連山山青澗水環松濤來海嶠鳥語出

禪關村酒沽方熟
篝車載未闌
淳風過蟋蟀樂
意任閒閒

過竹溪

剩有登臨興
行行度竹蹊
幽花迎客笑
好鳥向人啼
拍手敲泉石
忘機友鹿麕
勛名寧靜裏
切莫負岩栖

宿國清

恣討天台勝
山靈聚國清
龍吟雙澗合
虎踞五峯明
金地通華蓋
瑤池映赤城
夜來鐘磬寂
九里送松聲

望桃源

不入桃源路
那知仙境幽
掩蹊紅葉亂
出岫白雲悠
藜杖花間植
僧茶竹下留
何時諫塵鞅
長此足優游

馬家山

躡屩登懸嶺
捫蘿入翠烟
松高盤笠鶴
風急舞孤鳶
稻擁雲中錦
岩飛日下泉
憑虛疑羽化
舉手欲擎天

陸石屏畫隱

君家二陸後墨妙發奇葩蕭瑟成丘壑霏微司
日霞輞川詩意好茗水筆鋒嘉聲價方珍重逃
名傲物華

立春道中

臘意中宵盡春風傍晚生埜塘水轉綠江寺雪
初晴農事占泥犢羈懷聽谷鶯故山梅正發誰
寄欲歸情

新秋試草

溽暑初收夜商風薦爽時納涼松牖榻邀月竹
林卮漫續悲秋賦閒吟招隱詩溪泉堪洗耳高
臥復奚疑

秋望二首

碧落搖晴閣江潮入望賒波光平檻漾帆影度
簾斜秋色催新菊涼颼送晚鴉悠然動離思極
目眇歸艤

忽漫驚秋序涼侵雁字斜風高空埜馬水濶掩
平沙颯颯舞楓葉盈盈垂蓼花搗衣知幾處懷

古欲長嗟

送姚椽之任泖橋

青瑣舊家聲
春風捧檄行
柳催征騎緩
酒破客愁輕
泖水烟波濶
茸城夜月明
莫嫌官况薄
民事頗關情

水雲樓望月

雨過月初出
輕雲澹欲流
影穿松舞鶴
光射穴鳴猴
對酒成幽賞
凭欄愛水樓
好吟清夜曲
餘思轉悠悠

詠史

我愛陶彭澤
幡然遂故衣
折腰非足耻
易祚已
知幾粟里籬
邊菊首陽山
上薇王弘徒
送酒能
否識淵微

送李輔之兄弟北上

一編華萼集
三絕羽儀家
驛路初聯轡
長安驟看花
臨池星落影
揆藻日生霞
遲我高陽飲
相期在及瓜

贈奉邑大令

茂宰清名久官衙僧舍如花開栗几靜鳥落訟
庭虛推案看山暮扶犁及雨餘何時來奏最應
入史臣書

飲署中即事

署靜鶯啼樹天炎竹送涼庭前看雨過堦下試
流觴煩慮隨風遣閒吟託興長未須發燭坐微
月射迴廊

送蘆海上人還越

曾演空王教疑從折葦來有才通七聖無劫度
千灰持鉢過燕市叅禪上五臺松枝東越轉知
是法師回

寧澹齋全集卷之四

終